

Suliassat allaaserineqarnerat: Meeqqanik sungiusaaneq

Imarisai	Allaaserineqarnera
1. Ikiorsiinermi inatsisitigut tunngavissaq sunaava?	Inuit innarluutillit tapersorneqarnissaannut Inatsisartut inatsisaat nr. 13, 12 juni 2019-imeersoq.
2. Ikiorsiinikkut kikkut pisariaqartitsinerat matussuserneqassava?	Meeqqanik innarluutilinnik sungiusaaneq, namminersorsinnaanermik annermik nalerisimanerunissamillu pisariaqartitsisut ikiorserniarlugit. Tassunga atasumik angajoqqaanut, isumassuisunut, suleqatigisanut inunnulu allanut naapertuuttunut atuartitsineq neqeroorutigineqassaaq.
3. Ikiorsiinermi suna siunertaava?	Ikiorsiinermi siunertaavoq: • Meeqqap pinnguarnerni, ilinniarnerni, sammisaqarnerini ulluinnarnilu inuunerani sunniuteqaqataaneq • Meeqqat nalerisimaneranut ineriartorneranullu siuarsaaneq • Meeqqat sapinngisamik nalinginnaasumik ilaqqutit peqatigalugit inooqataanissaannut sunniuteqarneq • Meeqqap ulluinnarni namminersorsinnaaneranut siuarsaaqataaneq allanit minnerpaamik ikorfartorneqarnissaa ikiorneqarnissaalu anguniarlugit
4. Kina ikiorserneqarsinnaava?	Meeqqat sungiusarnermut innersuunneqarsinnaapput tulluuttut atuuppata: • Meeraq 0-17-inik ukioqarpoq • Meeraq Kommuneqarfiik Sermersuumi najugaqarpoq • Meeraq timikkut imaluunniit tarnikkut piginnaasatigut erseqqissunik imaluunniit ataavartunik piginnaanikkut amigaateqarpoq aamma taamaattumik ikorfartorneqarnissamik sungiusarneqarnissamillu pisariaqartitsivoq Qanigisaasut, sulisut aamma ikorfartortit allallu atuartinneqarnermik, ilitersorneqarnermik siunnersorneqarnermillu neqeroorfigineqarsinnaapput, tulluuttut atuuppata: • Pineqartoq isumassuisuuvog, ulluunerani ornittakkami imaluunniit ulloq unnuarlu angerlarsimaffimmi sulisuuvog meeqqamut innarluutilimmut sullissisuulluni • Pineqartoq meeqqamut innarluutilimmut angajoqqaajuvoq imaluunniit qanigisaalluni aamma meeqqamut ulluinnarni isumassuisuulluni.
5. Ikiorsiinermi suliat suut ilanngunneqarsinnaappat?	Meeqqamik inuttut piginnaasaanik naliliinermik, qanigisat allallu isumassuisut pisariaqartitaanik naliliinernik ingerlatserneermi, sammisanut tulluuttunut ikorfartuineramik neqerooruteqartoqarsinnaavoq:

	• Meeqqap sungiusarnissamut pisariaqartitsinera suliamik ingerlatsisunit misissorneqarnera naliliiffigineqarneralu • Meeqqap timikkut, tarnikkut, silassorissusianik aamma inooqatigiit akornanniissinnaanera pillugit sungiusaaneq. • Timimik sungiusaasumi aamma pillorissaasumi kisimiilluni peqateqarluniluunniit piginnaasanik attassiinnarnissaq siunertaralugu sungiusarnek • Journalimi uppersaasiorneq • Timimik sungiusaasoq pillorissaasorlu sungiusaasoralugit assigiinngitsunik sungiusarnek • Ilaqutaasunik, suleqatigisanik, isumassuisunik aamma ulluunerani paaqqinnittarfinni aamma ulloq unnuarlut angersimaffinni sulisut ilitersorneqarnerat/siunnersorneqarnerat • Suliamik ingerlatsisut suliamik ingerlatsinerminni timaasa inissisimanissaannik aamma nuussinermi periutsinik ilitersuineq ilinniartitsinerlu kiisalu meeqqap sungiusarnermini malitassaanik. • Suleqatigisartakkanik ilinniartitsineq • Meeqqat ineriartornerat, innarlutaat il.il. pillugit ataatsimut suleqatigiinnik assigiinngitsuneersunik pikkorissarnermik ilinniartitsineq Ilaqusersuutit aamma najugaqarfinnik allanngortitsinerit aningaasaliiffigineqarnissaat periarfissaasinnaapput. Ilaqusersuutit aamma najugaqarfinnik allannguinerit suliarineqarsinnaanerannut nassuiaatit takukkit.
6. Ikiorsiinermit suliat suut ilaanngillat?	Tulliuttunut ikiorsiissuteqartoqarneq ajorpoq: • Ikiorsiissutit timikkut atornegartartut. • Meeqqap botox-imik katsorsartereernerata kingorna malitsigisaanik sungiusartinneqassaaq
7. Ikiorsiineq qanoq annertutigiva?	Sungiusarnek pilersaarusiorneqassaaq meeqqap pisariaqartitaanik naliliinerup kingorna, apeqqutaallunili aamma meeqqap sumi najugaqarnera. Nuummi taamaallaat timimik sungiusaasumi aamma pillorissaasumi sungiusarnerit neqeroorutigineqarsinnaapput. <u>Nuuk:</u> • Timimik sungiusaasumi aamma pillorissaasumi sungiusarnerit • Sungiusarnerit ukunani pisinnaapput Soralu, meeqqap angersimaffiani, meeqqap paaqqinnittarfiani, Illorput, silami imaluunniit naluttarfik Malikmi. • Neqeroorutigineqarsinnaasut: ○ Kisimiilluni sungiusarnek sap. akunneranut 1-3-riarluni, amerlanerpaamik sap. akunnerit 12 ○ Sungiusaqateqarneq sap. akunneranut 1-3-riarluni, amerlanerpaamik sap. akunnerini 26-ni ○ Kisimiilluni aamma peqateqarluni sungiusarnerit akuleriissillugit

	<u>Illoqarfiit nunaqarfiillu allat:</u> • Sungiusarnissamut malitassat timimik sungiusaasumit/pillorissaasumit suliarineqarsimasumik • Sungiusarnissamut malitassat angajoqqaat imaluunniit suleqatigisat peqatigalugit meeqqap ingerlatissavai • Timimik sungiusaasut pillorissaasullu sulinerminnut atatillugu illoqarfimmi/nunaqarfimmi tikinneranni malitseqartitsisoqartassaaq. Anguniagaavoq illoqarfiit ukiumut 1-2-riarluni tikinneqartarnissaat aamma nunaqarfiit pisariaqartitsineq naapertorlugu tikinneqartassapput. Meeqqanut ataasiakkaanut iliuuseqarnerit timimik sungiusaasut/pillorissaasut suliniutaat angajoqqaat, isumassuisut, ikorfartortit kommunimilu suliamut susassaqtut allat, napparsimmavik aamma Isumaginninnikkut Suliffeqarnermullu Ingerlatsivik peqatigalugit ingerlanneqartarput.
8. Ikiorssiineq qanoq akeqarpa?	Ikiorssiineq akeqanngilaq
9. Kina tulleriiaarinermut pisinnaatitaava?	Meeqqanut suliaasaqarfimmi innarluutilinnik sullissisut.
10. Kina ikiorssiinermik tunniussisuaa?	Pillorissaasut aamma timimik sungiusaasoqatigiit aamma Inunnut innarluutilinnut tarnimikkullu nappaatilinnut Immikkoortoqarfik.
11. Sullissisup piginnaasaanut piumasaqaatit?	Timimik sungiusaasut timimik sungiusaasutut pillorissaasutullu uppersaateqassapput.
12. Ikiorssiineq qanoq malitseqartinneqartarpa?	Ataavartumik nalilersuineq kiisalu pillorissaasut timimillu sungiusaasut uuttuinnermi atortorissaarutaannik misilitsissutaannillu atuineq.
13. Naammagittaalliuteqarnissamut ilitersuut	Ulloq aalajangiiffiusoq aallarnerfigalugu sap. akunnerisa arfinillit iluanni uunga naammagittaalliorsinnaavutit: Isumaginninnermi Naammagittaalliuteqartarfik Imaneq 29, 1. sal Postboks 689 3900 Nuuk Ulluinnarni nal. 10:00-15:00 E-mail: maalaarut@nanoq.gl Oqarasuaat: (+299) 328033 www.sullissivik.gl/